

Die Vierdte Predigt.

TEXTUS.

Gott sende dir Hülffe vom Heilig-
thumb / Vnd stercke dich aus
Zion.

Geliebte vnd Undächtige in dem
Herrn Christo Jesu. Vnter andern viel-
feltigen/schweren/gewolichen/vnd abschew-
lichen Plagen / damit Gott der HERR
Pharaonem / vnd die Egypter vor der Er-
lösung der Kinder Israel beleet / sind auch mit gewesen
die Henschrecken / welche alle Früchte des Landes haben
hinweg gefressen / als weren sie hinweg gesenget / vnd ge-
brennet / Wie sie denn daher auch Locuste, ab exuren-
dis locis genennet werden / wie Plinius schreibet: Sie
frassen alles Kraut im Lande auff / vnd alle Früchte
auff den Bäumen / die vom Hagel waren vberblieben /
vnd liessen nichts grünes vber an den Bäumen / vnd an
Kraut auff dem Felde in gantz Egyptenlande / stehet /
Exod. 10.

Eben solche Straffe pfelet Gott noch heutiges
Tages vber vns zu verhängen / vnd vns mit Henschrecken

zu straf-

Plinius lib.
II. c. 29.

Exod. 10.